

四日辛未，策命曰云々，正一位，乃冠加贈云々，封以美濃公，爲美濃國，諡曰忠仁，食封資人並如存生，太政大臣之官又如故云々。

〔三代實錄

二十二

貞觀十四年十月十日丁未，正三位守右大臣兼行左近衛大將藤原朝臣基經，抗表

辭故太政大臣忠仁公封邑，曰：臣聞昔樊恭侯之遺言，時至猶從厥旨，羊太常之終制，府丞不敢違心，何況忘私義讓，指河日而結誠，愛國忠謀，糜肝膽而貽誠，臣謹讀去月四日詔書，贈於故太政大臣藤原朝臣，以正一位，又以美濃國封之，爲美濃公，諡曰忠仁，食封資人，並同平日，太政大臣之官，亦如故矣。崇賁慙歎，寵光輝赫，聲榮之盛，門閥縟華，伏計先臣幽魄，追榮舊想，添鳧藻於天波，退憚新恩，增永谷於地底，但先臣臨終，誠臣曰：余昔奉聖主於繼繼，望成人於日月，上天從欲，明辟累年，吾生自此而歿，世上亦有何思，徒恨時運陵遲，邦國凋弊，雖欲開聖化於東后，猶難起人謠於甫田，生時既見帑藏之空，死後何招錙銖之費，卽我下世之後，朝例倂給葬送等物，凡諸應爲公煩者，無小無大，汝宜固辭，一切勿請，但如此心事，事須面諮皇太后殿下，然而君臣禮隔，男女事殊，何驚長樂之宮，敢幸沈淪之地，吾旣無男，汝卽猶子，宜述吾志，莫忘吾言，而今職位二封，旣同平日，加之以美濃之一國，公費兼倍於生時，誠非先臣提撕告誡之意也，臣仍具狀以聞，皇太后殿下答曰：先慈淹疾涉旬，雖有危篤，恐余憂灼，不令聞知，永隔慈顏，無由再奉，崩心哽絕，何地寄思，唯須欽遺命之旨，以獻慎終之誠，宜抽深趣，早奏聖朝，謹奉令旨，敢上此表，伏惟聖主陛下，昔下恩詔，疇疇字，恐當加爵加封，敢將綱繆，勅斷章表，然猶感其匪石之誠，不敢張奪情之制，魂而有靈，意當無變，旣在眼前，而苦讓寧於泉下，而甘承，因願唯加號諡，以表殊恩，職封國封等，於公有費者，盡准恒典，卽從停廢，然則陛下追崇之德，猶有所加，先臣損挹之心，遂無攸失，上令太后全永言之孝思，下使愚臣果欽命之精誠，伏願陛下曲從哀許，反汗收綸，被至德於幽明，均深仁於存歿，伏陳誠詞，淚恐有脫字俱咽，不任悲懇，屏營之至，謹拜表以聞，勅答曰：省表悉之，故太政大臣忠仁公，保養朕躬，不訓告功，告功一作苦切朝露溢至，傷如之何，凡褒贈之設，所以旌有功，表有德也，忠仁公處於外